



Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

### **Naalakkersuisunut apeqqutit:**

**1. Naalakkersuisut suliniutigisinnaanerlugu nipangersimasussaataitanermut inatsisip allanngortinnissaa meeqqat sumiginnarneqarsimasut pillugit pisortat suliffeqarfiutaat paasissutissanik paarlaasseqatigiissinnaalersillugit? Taamaattoqassanngippat kissaatigaara tunngavilersorluarneqassasoq inatsit soq allanngortikkusunneqannginnersoq.**

**2. Naalakkersuisut isumaqarpat, meeqqap pisariaqartitaanik illersuinerussasoq maannakkut malittarisassat allanngortinnagit attatiinnarneqarpata?**

(Inatsisartunut ilaasortaq Nivi Olsen, Demokraatit)

### **Tunngavilersuut:**

Aallarniutigalugu atagu assersuusiulaarlanga:

Klasselæri pasitsassimaguni meeraq sumiginnarneqartoq taamaattumillu kommunimut nalunaaruteqartariaqarluni taava klasselæri malittaaniq tusartinneqarsinnaanngilaq suliaq qanoq ingerlanneqarnersoq, susoqarsimanersoq aamma ilinniartitsisup sumiginnaasoqarsimaneranut pasitsaassaqaarsimaneera tunngavissaqaarnersoq.

Allatut oqaatigalugu klasselæri atuarfiullu nalornisinneqalersarput ilumut kommunip meeraq ikiorniarlugu aallartissimanersoq. Tamatumunnga pissutaavoq nipangersimasussaataitanermut malittarisassat.

Ungali isumaga naapertorlugu ajornartorsiutit annersaraat meeqqap marloriaammik sumiginnarneqalersinnaanera, sulliviit oqaloqatigiissinnaatitaanngimmata paasissutissanillu paarlaasseqatigiissinnaanngimmata.

Taamaattumik oqartariaqarpunga malittarisassat sananeqarsimasut inersimasut pillugit - imaattariaqaraluarporli malittarisassani meeqqap iluaquserneqarnissaa pineqartassasoq tamatigut.

Qilanaarlunga utaqqissavara Naalakkersuisut inatsimmik allannguinissaminnut kissaateqarnerisut aamma neriuppunga apeqqutikka ullut sulliviit naliginnaasut qulit qaangiutsinnagit akineqarumaartut.